

» nos et Romanam ecclesiam omnino prosequi decrevisse respon-
» derent; ne quid omitteremus de iis, quae nostro incumbunt offi-
» cio, eosdem venetos, quos ob invasum Ferrariense territorium,
» prolatas in id facientes nominatim in Coena Domini per nos et
» praedecessores nostros Romanos pontifices ecclesiasticas censu-
» ras et poenas incurrisse notorie constabat, ut jure optimo facere
» potuissemus, censuras ipsas incurrisse minime declaravimus, sed
» ut mitius ageremus cum eisdem, nostris patentibus litteris, eos,
» ut a bello praedicto tam injusto desisterent, et occupata restitue-
» rent, denuo monuimus et requisivimus, ecclesiasticas quas facti
» qualitas exigebat sententias, censuras et poenas proferentes in
» eos, si nostris, ut debebant, tam sanctis tamque justis non obtem-
» perarent mandatis. Ipsi vero quanto mitius processimus contra
» eos, tanto magis excedere non formidarunt. Nam non solum mo-
» nitionibus et mandatis praedictis obtemperare, aut praefixi eis
» ad id termini prorogationem petere et de parendo spem dare
» non curarunt, immo spiritu rebellionis assumpto, accersitis in
» eorum ducali palatio nonnullis praelatis ecclesiasticis tunc Vene-
» tiis commorantibus, coram eis ut honestis personis, a monitioni-
» bus et mandatis hujusmodi nostris ad tribunal omnipotentis Dei
» et ad id quod de proximo celebrari debere temere affirmare
» non erubuerunt futurum generale concilium appellare et ut ap-
» pellatio ipsa per eosdem praelatos reciperetur, laudaretur et ad-
» mitteretur, ac tandem ad nostram deduceretur notitiam, procu-
» rare, et Christi fidelibus, clero et populo cujuslibet civitatum,
» terrarum et locorum eorum ditioni obtemperantium, quod prae-
» textu appellationis hujusmodi monitionibus et mandatis nostris
» obtemperare non tenerentur, nihilque contra eos hujusmodi prae-
» tensa eorum appellatione pendente posse aut debere innovari
» persuadere et eorum animas hujusmodi falsis persuasionibus
» illaqueare non formidarunt in hujus sanctae sedis apostolicae
» auctoritatis contemptum, perniciosum exemplum et scandalum
» plurimorum. A quibus omnibus veneti praedicti profecto ut